

欽定石渠寶笈三編

欽定石渠寶笈三編

毓慶宮藏一

王上御筆

書

高宗純皇帝御製效仇遠十二辰體詠金川事解悶

詩一冊 以下三十三件未題年
月皆嘉慶丙辰以前 御書

書

高宗純皇帝御製效仇遠十二辰體詠金川事解悶

詩一冊

書

高宗純皇帝御製用十二辰本字題四庫全書詩一冊

書

高宗純皇帝御製用十二辰本字題四庫全書詩一冊

書

高宗純皇帝御製用十二辰本字題四庫全書詩一冊

書

高宗純皇帝御製用十二辰本字題四庫全書詩冊一

書

高宗純皇帝御製用十二辰本字題四庫全書詩冊一

書

高宗純皇帝御製用十二辰本字題四庫全書詩冊一

書

高宗純皇帝御製用十二辰本字題四庫全書詩冊一

書

高宗純皇帝御製消夏詩 一冊

書

高宗純皇帝御製生春生夏生秋生冬詩 二冊

書

高宗純皇帝御製生冬詩 一冊

書

高宗純皇帝御製生冬詩 一冊

書

高宗純皇帝御製生冬詩

一冊

書

高宗純皇帝御製題錢維城畫冊詩

一冊

書

高宗純皇帝御製題畫詩

一冊

書

高宗純皇帝御製題畫詩

一冊

書

高宗純皇帝御製題畫詩 一冊

書

高宗純皇帝御製吉林土風襍詠 一冊

書

高宗純皇帝御製千叟宴詩 一冊

書

高宗純皇帝聖製詩 十二冊

書

高宗純皇帝御製詩

一冊

書

高宗純皇帝御製詩

一冊



御書

高宗純皇帝御製效仇遠十二辰體詠金川事解悶

詩一冊

本幅金粟箋本摺裝八幅皆縱二寸六分橫五寸

御筆楷書

御製效仇遠十二辰體詠金川事解悶并序
近於永樂大典散篇中哀輯得仇遠金淵集有所謂十

二辰體者頗狃見可喜惜一詩凡三易韻且鼠牛
等字參差用於句中不若鮑明遠數詩之精審余
昔嘗效照體論君道茲用仇遠此體詠金川事所
用十二支字並列句首從鮑法也日來大功將成
盼捷益切寢食為之不安拈翰成此聊以自遣而
灌鼠屠豬兼藉以取譬於施力之易易庶幾吉語
是徵耳鼠寇猖金川於唐吐蕃種牛相卻悉怛
自昔惡蠢動虎年即背盟

促沒於乾隆戊辰年平
定後至戊寅年其酋郎

卡即與革布什咱搆釁意圖吞併時督臣剛奉提
臣岳鍾瑄檄令撤兵弗聽隨調綽斯甲布土兵斷
其糧路又令章谷偕拉各兵突出搆釁鄰封冗
會攻始退至丹多焚燒寨落而遁搆釁鄰封冗
屢與九土司搆怨以番人互相仇殺實觸交爭無
足為異且未敢干犯內地無庸膺罪致討止令九
土司自行合力攻禦九土司者綽斯甲布革布什
咱已旺儋拉丹壩與促浸最近鄂克什從噶克梭
唐車克免穴營三窟蟻鬬相衝牝龍驤未足勞方
米稍遠

伯命戒董蛇蝎為其心遷延竟悞悞馬年增築碉

壬午歲郎卡自知為眾番所惡佔據各山梁修築
聖棚十餘座欲圖出外滋擾尋仗奪綽斯甲布之
俄城又攻殺丹壩番寨又與三旗
谷革布什咱接仗又滋擾巴旺
吞併心益涌羊

子效父觸

郎卡既死其子索諾木益乞俘碩梗將
害羊布什咱土司據其土歸佔據其地

慈惠懺拉土舍僧格桑攻圍鄂克什經賢臣阿爾
泰提臣董天弼同往飭諭僧格桑稱願退地釋兵
辛卯夏僧拉違背前約復攻鄂克什兩逆首遂相
聯合狼狽為奸且侵明正土司寨落並添築碉卡
負隅抗拒其罪實難再
這不得不加以兵力矣

羸角曾弗恐猴譎不可赦

王師發精勇雞肋非所圖羣番籌安鞏狗苟與蠅

營壓卵山臨聳

阿桂駐兵空薩爾距勒烏圍不遠
現擬同明亮訂期分路夾攻剋日

掃穴擒渠什
見膚功迅奏

豬韉羌兒俘成功不旋踵

子臣


敬書鈴寶二子臣

敬書

冊內鈐

寶璽乾隆御覽之寶

鑒藏寶璽寶笈三編石渠寶笈所藏



御書

高宗純皇帝御製效仇遠十二辰體詠金川事解悶

詩 一冊

本幅金粟箋本。摺裝八幅。皆縱二寸六分。橫四寸九分。

御筆楷書

御製效仇遠十二辰體詠金川事解悶并序

前已恭載

子臣

敬書鈴寶二子臣

敬書

冊內鈴

寶璽乾隆御覽之寶

鑒藏寶璽寶笈三編石渠寶笈所藏

御書

高宗純皇帝御製用十二辰本字題四庫全書詩

冊一

本幅粉箋本摺裝八幅皆縱三寸橫六寸

御筆楷書

御製用十二辰本字題四庫全書

有序

昨既放仇

遠十二辰體詠金川事各以肖生字用於句首且
通體一韻非好為其難蓋參用明遠數詩例也詩
中如虎年馬年適符金川時事而牛相則又以數

典借用及之所謂因難見巧亦幸巧不傷雅耳曾
命內廷諸臣和韻率皆閣筆且云不可無一不能
有二其然豈其然乎茲以十二辰本字題四庫全
書非畏難亦非避熟取材固各有宜焉者惟十二
支字本不同韻今於韻腳用之非可遷就因倣遠
體三易韻按古韻叶之自然恰合仍以咨內廷及
四庫全書諸臣共效其體寧當如前詩之諛為寡
二少雙可耶 四庫搜經史集子絕勝書畫收張

丑木天羣彥聚清寅寧一青黎照金卯

叶醜休詩經名

山蒐校及茲辰給札授餐歲始已

叶地休元稹詩料四庫全書始

於癸巳詎以軍事廢旁午

年未征勦金川軍書每歲開館詎以軍事廢旁午

歲進書遇善本輒題詠及之且幾餘披閱常為訂其訛誤仍與公務而不相妨也

速成欲

信斯之未玩燭有戒居申申繼晷焚膏窮二酉

叶喜

休參同契乙覽秉燭金屈戌三豕子夏辨乙亥

叶市休易林

子臣




敬書鈐寶二子臣



敬書

鑒藏寶璽寶笈三編石渠寶笈新藏





御書

高宗純皇帝御製用十二辰本字題四庫全書詩

冊一

本幅金粟箋本摺裝八幅皆縱二寸五分橫五寸

御筆楷書

御製用十二辰本字題四庫全書

并序
已恭載
前

子臣

敬書鈴寶二子臣

敬書

冊內鈴

寶璽乾隆御覽之寶

鑒藏寶璽寶笈三編石渠寶笈所藏

御書

高宗純皇帝御製用十二辰本字題四庫全書詩

冊一

本幅金粟箋本摺裝八幅皆縱二寸五分橫

五寸

御筆楷書

御製用十二辰本字題四庫全書

并序前
已恭載

子臣

敬書鈐寶二子臣

敬書

冊內鈐

寶璽乾隆御覽之寶

鑒藏寶璽寶笈三編石渠寶笈所藏

御書

高宗純皇帝御製用十二辰本字題四庫全書詩

冊一

本幅金粟箋本摺裝八幅皆縱二寸六分橫

五寸一分

御筆楷書

御製用十二辰本字題四庫全書

并序
己恭載
前

子臣

敬書鈐寶二子臣

敬書

鑒藏寶璽寶笈三編石渠寶笈所藏

[illegible]

御書

高宗純皇帝御製用十二辰本字題四庫全書詩

冊一

本幅金粟箋本。摺裝八幅。皆縱二寸四分橫

四寸九分

御筆楷書

御製用十二辰本字題四庫全書


并序。前
已恭藏。

子臣

敬書鈐寶二子臣

敬書

鑒藏寶璽寶笈三編石渠寶笈所藏



御書

高宗純皇帝御製用十二辰本字題四庫全書詩

冊一

本幅宣紙本摺裝八幅皆縱二寸五分橫五寸

御筆楷書

御製用十二辰本字題四庫全書

并序
已恭載
前

子臣

敬書鈐寶二子臣

敬書

鑒藏寶璽寶笈三編石渠寶笈所藏

[illegible]

御書

高宗純皇帝御製用十二辰本字題四庫全書詩

一冊

本幅宣紙本摺裝八幅皆縱二寸三分橫四寸六分

御筆楷書

御製用十二辰本字題四庫全書


并序前
已恭載

子臣

敬書鈐寶二子臣

敬書

鑒藏寶璽寶笈三編石渠寶笈所藏



御書

高宗純皇帝御製消夏詩 一冊

本幅紙本摺裝八幅皆縱四寸四分橫八寸七分

御筆楷書

御製消夏八詠

序有

漏永長夏幾暇伏庚颺度北窗

未肯義皇寄傲爽來西嶺詎耽山水怡情然而三
農候值恢台兼逢霽渥萬物欣歸茂對可罷毫濡

寧惟寡太液之蓮芳欲葺衆香為國每一憩上林
之樾蔭思開廣廈庇人义手成詩曾匪弄月吟風
而已寫心即景無非較晴量雨乎哉有如勞者之
歌夙駕靡焉之作此日薰琴三奏叶聊資清暑新
譚當年素繪廿章成尚繼生秋舊句披薰泠泠
習習爽而融爾許微涼殿閣中虞帝撫琴早稱獨
唐臣聯句且難同阜財解愠志誠有望若臨洋歎
莫窮身是九重心萬戶騷人漫自諷雌雄望月

遍照三千與大千，虧盈無改靜娟娟。
欲捲簾已半鉤，掛不藉架常一鏡。
懸滴博徊軍方閉壘，朱明清夜漫開船。
洗兵佇待靖遐壤，冷露無聲奏凱旋。
對雨應節時行澤，易流膩雲低每覆樓頭。
空纔明轉注如瀑，炎乍蒸隨颯似秋。
稻黍霑膏遍高下，鷗鳬乘浪喜輕浮。
未紆心事誰知覺，伏汎淮黃安妥不。
趁涼誰云廣廈不知暑，偶陟高臺亦趁涼。
竹解納風還蔽日，心存無逸卻非忙。
收來荷露堪烹

茗伏出燕雛，纔下梁，贏得畫長何所事。重翻舊稿，
一商量。觀稻艱難稼穡，要須知引水開田物土。
宜雨笠風蓑，看早暮揮鋤。負畚課耘，籽秧齊白，鷺
起飛翻。月下烏牛罷喘，羸日日幽風，圓對面范雲。
蕭緬藉奚為。移竹趁伏，教移綠竹，裁疏軒，延得
好清陪。雨中最易和根長，月裏常看帶影來，疎密
葉多防露態。高低枝盡，嘯風材梓，州臘月稱堪種。
南北暄涼有是哉。

種竹必於伏中，入秋即不可而
杜甫詩云：東林竹影薄，臘月更

須哉南北風氣異宜有如此者然犀芳譜已辨其謬

聞蟬遑暑臨風立夕

陽樹梢爭聽弄銀黃不飢飲亦惟清露以脇鳴還帶峭涼宛轉流陰有底競徘徊傍晚得卿忙隱情杜密譏劉勝我更因之取戒長見螢葦汀蒲岸碎流金是火寧防雨水侵月舫猶然飛熠熠風簾無礙入深深最嫌蚊蚋煩毆爵縱翥虛空不類禽已覺秋光劇滿眼宜他陶侃惜分陰

子臣

敬

書鈴寶二子臣

敬書

鑒藏寶璽寶笈三編石渠寶笈所藏

御書

高宗純皇帝御製生春生夏生秋生冬詩 二冊

本幅紙本二冊每冊十六幅皆縱四寸九分
橫一尺一寸九分二冊同

御筆楷書

上冊

御製生春二十首用元微之韻 有序

御製生夏二十首仍用元微之生春詩韻 有序

下冊

御製生秋詩用元微之生春詩韻

有序

御製生冬二十首仍用元微之生春詩韻

有序

俱

子臣

敬書鈐寶二子臣

敬書

鑒藏寶璽寶笈三編石渠寶笈所藏

御書

高宗純皇帝御製生冬詩 一冊

本幅紙本摺裝八幅皆縱四寸四分橫一尺

御筆楷書

御製生冬二十首仍用元微之生春詩韻

已載續編

子臣

敬書鈐寶二子臣

敬書

冊內分鈐

寶璽圓明園

五福五代堂古稀天子寶八徵耄念之寶
太上皇帝之寶

鑒藏寶璽寶笈三編石渠寶笈所藏

御書

高宗純皇帝御製生冬詩一冊

本幅紙本摺裝十二幅皆縱四寸八分橫八寸

御筆楷書

御製生冬二十首仍用元微之生春詩韻

有序已載續編

子臣

敬書鈐寶二子臣

敬書

鑒藏寶璽寶笈三編石渠寶笈所藏



御書

高宗純皇帝御製生冬詩 一冊

本幅紙本摺裝十二幅皆縱二寸五分橫四寸九分

御筆楷書

御製壬辰生冬二十首仍用元微之生春詩韻 有序已

載續

編

子臣

敬書鈐寶二子臣敬書

鑒藏寶璽寶笈三編石渠寶笈所藏

御書

高宗純皇帝御製題錢維城畫冊詩 一冊

本幅紙本摺裝八幅皆縱七寸六分橫八寸
六分

御筆楷書

御製題錢維城畫冊詩 山樓澄霽秋烟澄處露山

姿恰合登樓霽景披點筆自應非襲舊為他不類
許渾詩 茅堂野約書堂虛向水天開背峙崇山

崔且嵬野約雖然鎖溪口却無一客過而來荆
扇虛敞誅茅山復水環處嘉蔭清颺趣可延虛敞
荆扉豈無意室中並乏舊青氍疎樹苔磯石磯
平坦俯澄湖綠縹輕苔似毯鋪想彼幽人來把釣
三千六百廣張珠鏡浦垂綸至清湖水鏡光披
獨坐扁舟弄釣絲意不在魚無亦可名言家語豈
忘之小亭圓碧山如蘊藉不期深一个孤亭俯
碧潯何必簷端張綠幕四圍喬木有嘉蔭巖居

深尉青縈紫邏曲復曲絕俗離塵真不真豈是無
端稱避世恐妨谷口才蒲輪晴湖水煖春水初
生接遠空晴光入照綠波融祇宜買箇鹿頭舫去
作平湖放鴨翁層峯嵐靄夕靄朝嵐落應期妙
哉一氣爾能為層峯太古初無意借問吹噓更為
誰霜臯松籟平臯霜落樹知幾綠欲為丹竈欲
稀祇有喬松無改節謾濤吹籟故依依蘿磴盤
雲東谷西凹一障分中峯嵒嵒獨超羣欲知絕頂

棲仙處蘿磴還須盤白雲

瑤林瑞色瑤林積素

不模糊留白寒光遍野鋪此是人間真瑞色寧須

著粉更施朱

松下看泉憶昔盤阿盤澗濱翰臣

工畫命傳真松聲泉韻都依舊豈意伊人作古人

疎軒環秀硯左每教配畫冊詞臣供奉翰筵珍

香山秀色環軒者偶展重如遇昔人

峭巖松翠

盤山松石稱雙絕此地蒼松石遜之疑是峭巖還

有語捨予誰合友於斯

柳溪閒泛山中泉現出

山隱輪頃滄波實則無知我常嫌此乏水特教輕
舫泛平湖 筑泉虛閣泉流石上自成韻泉筑石
如擊筑夫設以畫中詩相入聲擬東陽水樂可同無
雲峯香界峯雲藹藹封香界祇許鐘聲空外聞
作雨恰逢今日好始知畫筆擅靈氛 荻浦秋聲
秋聲荻浦泛澄湖颯沓清泠有是乎不識閭閻傾
聽者可能於此悟交蘆 竹塢霜林卜居喜得翠
峯屏陋室由來早著銘竹徑宛然接楓巖意中原

自有丹青 烟浮遠岫烟容峯態兩模糊高下林
光幻有無活脫今朝濕潤景寫斯景者亦知乎
歲寒三友細莎文石俯清潭所遇欣於益者三和
汝南將向河內金蘭水部雅相堪 子臣 敬書

鈴寶二子臣  敬書

鑒藏寶璽寶笈三編石渠寶笈所藏

御書

高宗純皇帝御製題畫詩

一冊

本幅紙本。摺裝八幅。皆縱六寸三分。橫六寸四分。

御筆行書

御製詩

幾枝斜入碧寥天。洗盡鉛華淨且娟。那更無端開
佈景。月香水影自如然。梅
丹葩翠葉娜交加。品

賽臨安龍井茶漫議不堪供茗椀朶朶仙露是流

霞松

紫雲娘娘復森森無藉流風態若沈獨榦

未曾施松柏別裁寫出渴賢心

紫藤

種自西來植

沃土周南已詠灼其華景龍學士曾何謂清婉辭

惟樂府誇

桃花

芳園風物正馨薰笑買薔薇獨出

羣衰露掇英如灌手不知誰稱

去聲

讀其文

薔薇

問

去聲綠流丹剪蒨羅天然麗質耐吟哦詩人強半稱

思蜀不識巖花可識麼

杜鵑

曾聞佳種得三湘綴

幹纍纍低且昂疑是離騷補花譜水晶宮裏號花

王

魚兒牡丹

嫩青淺白襯娟娟千葉花開獨可憐莫

怪枝頭結子少從來名實那兼全

櫻桃

徒觀螭

動如生翅縱是翩飛不離

去聲

叢似與南華增註語

相遽一任付東風

紫蝴蝶

雅淡風情綽約姿侍花

王必爾為宜揚州聞說種種稱上惜未曾逢爛漫時

芍藥

辦纈鵝黃色占中鋸鉤貼幹傲東風園人欲

採渾艱致詎獨秋葵衛足工

茶蘼

無香有色漫評

謝長短奚如平等觀卻笑滿壘堆著粟祇供把玩

不供餐

粟

溪頭春水漲滄湄山脚春雲護遠陂

未肯韶光容易露嫩青淺翠故教遲

溪頭春遲

澤泉

幾疊落迴谿洗盡塵音清聽齊不向世間留姓氏

漫猜鬢缺與王倪

澤泉洗耳

澹然無事坐船脣耐可

鬚眉照碧淪不把絲竿置身側恐防比擬憶鱸人

迴塘閑

遠山近樹映澄流岸側曠然繫野舟繫者

不知何處去卻教妙義寄莊周

野岸處舟

竹院深沈

夏日長。溪亭更就水風涼。雖看對坐未聞語。料是

相談耕與桑。

竹溪清話

水氣嵐烟望若迷。入林深處

潤淒淒。山房疑是號玉磬。幽館停雲正隔溪。

幽館停雲

長江千里帶峻峭。風利如飛送去輪。不是宏農

王士治舉帆直指又何人。

江程風利

虛亭若翼據屋

屨。曾不窗櫺四面施。作者應知有別解。圖他峯翠

納無遺。

虛亭納翠

已覺開雲錦繡同。更聽隔水謾松

風。尋常六法原經見。工部詩情此幅中。

松黃隔水

傑

豎峽門如鎖江是誰穿出掛筠篴片時逾險資風

正問爾驚心降未降

秋帆穿峽

四圍截業峙蒼巖一

曲壺中大不凡小艇滄波閒泛者如詢姓氏定為

嚴蒼巖一曲

石崖平處構幽居萬葉經秋織錦如付

與居人朝暮看那須過客此停車

丹屏錦樹

御題錢維城畫二十四幀

于臣

敬書鈐寶二子

臣敬書

冊內分鈐

寶璽乾隆御覽之寶

重

鑒藏寶璽寶笈三編石渠寶笈所藏

[illegible]

御書

高宗純皇帝御製題畫詩 一冊

本幅紙本摺裝八幅皆縱四寸四分橫一尺一寸三分

御書楷書

御製題錢維城花卉冊

迎春裳裳黃瓣曉春開品命徒勞花譜猜三柳軒
稱為僭客想因名弗讓平梅 杏花開花含朶各

參差細葉還看出。杪枝畫者深情人。識否花開似
遜朵含時。繡球百朵攢來做一球。是誰縫紉是
誰鏤。卻如舍利忽拋出。問爾女夷可悟不。杜鵑
子規鳥與杜宇帝。一例稱名想像中。卻愛風篁嶺
側畔。鞦韆映得滿山紅。梨花杏花開過梨花放
點綴春園都有情。一著勝他前此者。可能合相月
華明。紫蝴蝶為蟲為卉有何奇。應識安名立字
誰寫出。南朝工體物。蝶黃花紫兩兼之。石榴塗

林得種自騫槎歲歲常開五月花巧識端陽供藥
物絳囊箇箇貯丹砂金絲桃秋前夏杪綻英時
任落任開付不知卻笑元都道士種兔葵燕麥惹
人悲凌霄赤艷因而喚紫葳舞風飲露姿芳菲
雖然具有凌霄志那免依枝附木譏茉莉泉南
插槿擬吳中見陳慥仁泉南雜志高可齊檐官廨東北地祇
看盆裏卉一般郁烈遮薰風剪秋羅初秋可試
薄衣時剪得輕羅片片披任爾人工闢新樣不如

造物付無為

秋海棠藪藪牆陰幾簇花肯從春

樹鬬芳華怪他底事多風韻作婢曾聞於鄭家

藍菊出青色厠東籬下姓氏難徵菊譜原栗里設

逢號州者標之應使出諸門芙蓉木蓮花繼水

中蓮依岸臨江秋晚天稱物循名瀟灑意譜花人

亦太憐賢桂花折枝應為斫吳剛猶帶風前月

裏香試看垂垂金粟滿姮娥想積九秋糧山茶

葉似木樨且有稜云宜作飲得茶稱不惟陸羽應

含笑為問誰經烹試曾
長春逐月一開言未信

四時花發見曾真堯夫詩句傳其實三十六宮都


是春

子臣

敬書鈴寶二子臣

敬書

鑒藏寶璽寶笈三編石渠寶笈所藏



御書

高宗純皇帝御製題畫詩 一冊

本幅紙本摺裝八幅皆縱六寸三分橫六寸

四分

御筆行書

御製詩

空谷無人也自開幽香竟體淨纖埃底知管領春
芳合題品曾經楚客來 蘭 鏤玉為花香是蘭庭

階雅合幾株攢問誰識得箇中趣幼度曾聞答謝

安

王蘭

作態娟垂復嫋斜不勝風力那成霞司空

四字真饒韻一樹瀛洲玉雨花

葉

紅葩綠葉襯

偎勻一度天天一度春不著落英貼水面那妨引

得武陵人

桃

慣解園中早報春裳裳山腳復溪

濱憐他逞盡風流意誰是蕭朱結綬人

帶綬

葉態

花姿儘娜娜剪成紅玉簇成團文蕭未至西山下

何事居然降綵鸞

鸞枝

嫋嫋蕩葉引梢柔舞格如

垂紫裏修別裁

去聲

畫師應有意知非攀架附枝流

紫藤

碎英纍纍簇周身色與閒庭判斷春卻合葩

經註裳裋為

去聲

曾京兆悟田真

紫荊

鶯鶯藤吐嫩

花新黃似兼金白似銀名色故應俗人慕通靈誰

識上仙珍

金銀花

素雲壓架弄芳蕤滿院清香四

月時悟得不如野梅者惜無傲雪老腰支

木香花

花朵如蘭紫色鮮有人或謂比蘭妍設從九畹相

衡校祇恐三問未肯然

紫蘭

珍珠一斛簇成體擬

作繡球真不差設使女夷閒戲鞦定知供奉合斯

花珍珠繡球

爛爛盈盈敷蕊瓣似桃丰度後桃開如

從花朵詢枝葉幾許黃金買得來

桃金絲

縹葉萋

萋扶絳華南薰照眼受風斜月明庭院開生面碧

水光天夜有霞

石榴

六出瓊葩蕊是金清芬真勝

麝檀沈相宜底識稱禪客分種原從簷蔔林

子梔

五出藍花五月開安名誰與竊芳梅從知太白詩

非誤真有江城落瓣來

梅翠

葉為菜竹藹為桃聞

說溫台品最高幾度花開復花謝秋風即漸捲麟

毫

夾竹桃

柿紅艷色纈枝端瑪瑙杯擎玉露溥欲

向芳叢還致問山人心性為

去聲

誰丹

山

垂垂黃

穗擬珠珍薰茗烹湯香滿脣花譜卻稱色正紫從

知記載信誰真

蘭珍珠

細草纖花亦自芳名依淇

澳泣非湘此君定是不相拒語有之云善善長

石竹

揚毳最合臨秋曉弄影偏宜對月明一種閒庭

風露下騎來定是董雙成

鳳仙

花葉盈盈不自持

引條著處託芳筵月明離落還多趣滿奮偏能識

喘時

牛牽

野雀其形翼尾翹為翔為翥任風飄本

來自是無情物底事相爭目摩椒

雀翠

以粟為花

色正黃自應品格壓羣芳非關位置偏居末殿後

緣留滿幘香

桂

御題楊大章畫二十四幘

子臣

敬書鈴寶二子

臣


敬書

冊內分鈴

寶璽乾隆御覽之寶

重一

鑒藏寶璽寶笈三編石渠寶笈所藏



御書

高宗純皇帝御製吉林土風襍詠一冊

本幅紙本摺裝十二幅皆縱六寸橫八寸三分

御筆楷書

御製吉林土風雜詠十二首

序有

吉林在盛京東北

我朝發祥所自舊俗流傳有先民遺風焉甲戌東
巡駐蹕連日江城山郭廬旅語言想見岐邕式廓

之始咨詢土風拈二字成語者為題得近體十有
二首聊記一二云爾 威呼剡巨木為舟平舷圓
底脣銳尾脩大者容五六人小者二三人剡木兩
頭為槳一人持之左右運棹捷若飛行取諸渙卦
合義經舴艋評量此更輕剡木為舟剡木楫林中
攜往水中行寫集中山溪相間凡採參捕鮑者攜威呼以往遇水則乘之飽帆
空待吹風力柔櫓還嫌剡水聲泥馬賒枯尤捷便
泥馬賒枯者以梓皮為之只
客一人兩手持小槳別行 恰如騎鯉遇琴生

呼蘭因木之中空者剝使直達截成孤柱樹簷外
引炕烟出之上覆荆筐而虛其旁竅以出烟雨雪
不能入比室皆然中通外直求材易暮爨晨炊利
用均曲突徙薪誠上策焦頭爛額更何人疎烟土
銚烹茶便夜雨荆筐蓋覆頻却有千年遼海鶴驚
疑華表話前身 法喇似車無輪似榻無足覆席
如龕引繩如御利行冰雪中俗呼扒犁以其底平
似犁蓋土人為漢語耳架木施箱質莫過致遙引

重利人多。冰天自喜行行坦。雪嶺何愁嶽嶽駸駸。
馬飛騰難試滑。老牛緩步未妨蹉。華軒誠有輪轅
飾。人弗庸時奈若何。斐闌弧矢之利。童而習之。
小兒以榆柳為弓。曰斐闌。剡荆蒿為矢。翦雉翟雞
翎為羽。曰鈕。勘榆柳彎弓。弦繫絲。剡荆作箭。雉翎
翫壯行。幼學率由舊。蓬矢桑弧。匪襲為揖讓。豈知
爭君子。聞評惟覺慣。童兒曾聞肅慎稱。遙貢可惜
周人未解施。賽斐古人食。皆以芻蕘。則以勺國。

俗舊用木必長四寸許曲柄豐木猶古制也質古
惟稱以木為曲長且楸進餐宜鼎中底用輕染指
座裏應教笑朵賸無下奢哉嗤彼箸有抹便矣藉
茲匙青泥坊底芹香處杜老居然得句時 額林
皮橫板楣棟間以貯匱篋餅罌諸器具兼几案匱
匱之用皮楣橫板當中厨家計精麤箇裏俱鼠鬧
欲投還忌器爵飛同量不妨觚竈間那識新為蠟
几上常看皮是烏淳樸遺規恭儉德風聲擬使遍

黃圖 施函斲木為簞因其自然虛中以受物貯

水釀酒皆用之視束鐵編篾攢木片為器者天質

為勝誰云瓠落不中材虛受天然器量恢泉貯雲

漿消舊渴春筍石凍醢新醅早啖軫釜催人去閭閻

有無相通客至必留飯其有
頡頏者羣以為吝而笑之何用修筒引水來可

供餅壘謝梁棟孰非造物善栽培 拉哈土壁堵

間綴麻草下垂緣以施圻墁此國初過澗芮鞠間

故俗也 乘屋居閒事索綯經營婦子共勤勞禦寒

塞向諸凡預施漫編麻要取牢出氣天牕柱左右
拉哈墻壁之上據棟中豎柱以承梁左右留二孔
出氣謂之麻木哈圖拉圖拉者漢語所謂柱也

通烟土銚炕周遭室家廬館風猶在慙愧宮庭雉
尾高霞綳蓬梗為榦搏穀糠和膏傳之以代燭
燃之青光熒熒烟結如雲俗呼糠燈蓬梗糠粃膏
傳塗茅檐夜作每相需績麻乍可呼燈婢耽奕非
關誚燭奴最愛燄輝一室朗那辭烟煖滿牕烏葛
燈籠是田家物勤儉遺風與古符
豁山夏秋間

擣敗苧楮絮入水漚

去聲

之成毳漚蘆簾勻暴為紙

堅韌如革謂之豁山凡紙箋胥以是名之擣苧漚

麻亦號箋粘牕寫牘用猶便百番徒訝銀光薄萬

杵還輕越竹堅但取供書何貴巧便稱鋪玉詎能

賢高麗錦面尋常有愛此淳廉舊制傳 羅丹鹿

蹄腕骨也舊俗以蹄腕骨隨手攤擲為戲視其偃

仰橫側為勝負小者以麋大者以鹿瑩澤如玉兒

童婦女圍坐擲以相樂以薄石擊之則曰帕格投

石軍中以戲稱手彈腕骨俗相仍得全四色方愉

快腕骨一具四面各不同持四枚擲之各得一色則為四色全大約以此分勝負何必三

梟始絕勝閨秀爭能守爐火

一手攤擲承空上下各取之以不動局上

者為工婦女多能之非男子事也

兒童較遠驟寒冰

又有較遠之戲超冰上以

中為勝名日撒罕

無端勝負分憂喜麀鹿那知有許能

周斐樺木之用在皮厚者盈寸取以為室上覆為

瓦旁為牆壁戶牖體輕而工省逐獸而頻移山中

所產不可勝用也巢處遺風藉樺皮上簷側壁總

堪為端誇不漏還勝瓦豈慮頻遷等弈碁甕牖繩
樞猶未備夏涼冬煖且相宜五侯第宅皇州遍芮
鞠先型爾尚知子臣

敬書鈴寶二子臣

敬書

鑒藏寶璽寶笈三編石渠寶笈所藏

御書

高宗純皇帝御製千叟宴詩 一冊

本幅紙本摺裝四幅皆縱六寸七分橫九寸二分

御筆楷書

御製千叟宴恭依

皇祖原韻 抽秘無須更騁妍 惟將實事紀耆筵 追

思侍陞髫垂日

實從古未有之曠典維時與宴王

大臣 命 諸皇子賜觴以示 慈惠至年
未及歲之皇子皇孫並命侍立觀禮余時年甫十
二躬逢 嘉會親見耆筵慶錫龍光 訝至當軒
燕譽之隆閱今乙巳凡六十四年矣
手賜年 今歲乙巳朕御極五十年恭依 皇祖
年屆九十及一品大臣以上皆召至御筵前手
賜之觴以昭 天恩國慶醕酢一堂之盛 君
酢臣醕九重會

天恩國慶萬春延

祖孫兩舉千叟宴史策饒他莫並肩

子臣

敬書

鈐寶二子臣 敬書

鑒藏寶璽寶笈三編石渠寶笈所藏

[illegible]

御書

高宗純皇帝聖製詩 十二冊

本幅紙本摺裝十二冊每冊十二幅皆縱三寸九分橫七寸八分

御筆楷書

聖製詩

題帝王經世圖譜 有帝王經世之道具在六經法
戒所垂取則不遠顧篇籍散陳披覽非一時可竟

唐仲友迺撮舉諸經要旨列為圖譜旁採傳註附以總說分門別類條理秩然讀之而其辭易通玩之而其義易見一為政治圭臬若夫擇之精語之詳提要鉤深用力不紛而見功甚鉅宜周必大題辭比諸水之流東而車之指南也夫左圖右史藉資觀省之益茲乃彙而為一包括靡遺永樂大典中搜羅甚富如此書之有資君道蓋不屈指數也洵稱萬世帝王經世宏編宜侑諸座右鑑以朝夕

庸詎賞其廣蒐博記已哉序識大端用申作詩之

意 后皇建極亮天工法在六經幾部中守此治

分違此亂慎惟始亦要惟終譜圖瓶見唐仲友敘

語詳言周子充詎止存羊愛其禮須知示鵠折乎

衷四千年自堯至今四千一百餘歲舉成數也裏廢興夥百廿篇間

彙括融是書百二十有理世津梁心以慕作君軌

範聽當聽行間總是珍希有座側恒應置一通寧

曰纂言資博考踐行益用勗吾躬 題乾坤鑿度

乾坤兩鑿度撰不知誰氏矯稱黃帝言倉頡為修

飾叶以余觀作者蓋後於莊子南華第七篇率已

揭其旨條忽鑿七竅竅通渾沌沌死乾坤即條忽渾

沌實太始乾坤既鑿開太始斯淪矣言易祖繫辭

頗覺近乎理靈圖測陰陽

字彙補作陰陽云古文陰陽字見乾坤鑿度與

此字體稍異

乃或述識緯

叶

有純亦有疵稽古堪資耳

黃震著日抄所論正非鄙欽若斯足徵撫卷勵顧

覬題李舜臣江東十鑑六韻十勝原無一勝終

誰云鑑此合江東徒因南度君臣怯勗以北征議

論公

李舜臣因宋高宗狃於偏安君臣皆委靡不振乃取赤壁以下十戰之勝繪圖系說為江

東十鑑上之始言江東之人知有江東而不知有天下終言六朝君臣不能恢復中原之弊意在陳古以諷時冀高宗聞而感動非藉是便希成正統其書果有當於天下大勢也

謂他未可奏膚功扼吭拊背曾何有楚尾吳頭祇

自窮都會上游應冀北

燕京為禹貢冀州蘇秦所謂天府百二之國據上游

象北極得居中馭外之勢故朱子稱古今建都之地莫過於冀至其次則關中張良謂其阻三面而守獨以一而東制諸侯尚有形勢可取若江東提解在一隅土狹而氣弱曾何足與北方抗衡哉

封次者亦關中少師故是金閭侶桑梓情牽識未

通

姚廣孝佐永樂遷都燕京宜陳北地形勝而所編永樂大典首舉江東味為不達時事豈其身

係吳人，號稱故土乎識亦陋矣

題倪思重明節館伴語錄重明

館伴紀倪思序語無非飾強上聲詞稱姪卻私稱彼

虜

宋高宗致書金朝自稱為姪而倪思此書稱金為虜外附於人以求免禍而私逞其詆嫚自欺

欺人不顧後世之畏人反謂畏吾儀豈誠強屈弱

仲也

時宋人甚畏金人而此錄所載轉自誇金使

弱之人豈能相勝顧城稱與使較射屢中多見其不知量而其自序乃云強者屈而弱者仲不亦深

可笑祇以言游利啗之

是錄紀使者接見並無一語切要惟每日與之款洽

周旋及飲饌餽遺之類實亦無關輕重

南渡偷安顏特腆千秋殷鑒

慎哉斯

題南宋都城紀勝錄

有

宋自南渡之後

半壁僅支而君若臣溺於宴安不以恢復為念西

湖歌舞日夕流連豈知剩水殘山已無足恃顧有

若將終焉之志其去燕巢危幕幾何矣而耐得翁

為此編惟盛稱臨安之明秀謂民物康阜過京師

十倍又謂中興百年餘太平日久視前又過十數

倍其昧於安危盛衰之機亦甚矣哉然彼或窺見
廟堂之上不能振作為此以逢其所欲抑亦知其
書流傳必貽笑於後世故隱其姓名而託於子虛
烏有之倫乎不然則既操子墨寧未讀孟堅兩都
賦託諷諫以立言而為是違道鋪張也覽是編其
時事可知因題句並序如右 一綫南遷已甚危
徽欽北去竟忘之正當嘗膽卧薪日卻作觀山玩
水時後市前朝誇富庶歌樓酒館鬪笙絲咄哉耐

得翁傳錄可似蘭臺兩賦奇

第一冊

題道命錄

有

宋李心傳集當時論伊川程子之事

二十餘條其言毀譽各半名之曰道命錄意在推尊伊川以道屬之而以命惜之過矣夫天命謂性率性謂道道即由於天命非命之外別有所謂道也故董仲舒云道之大原出於天天不變道亦不變實為篤論若心傳所為命乃窮通禍福之命即孔子所罕言願以附屬於道亦小之乎論道矣或

者曰孔子不云乎道之將行也與命也道之將廢也與命也何嘗不相提並論不知孔子之言正申明道之行與廢由於率性復命之能與不能而不繫於公伯寮之沮與不沮公伯寮其如夫子之率性復命何故朱子亦謂命有兩種其意則引而未發且二程氏之品誼亦正不同明道純粹不露圭角伊川則不免於客氣致有洛蜀之黨夫黨豈君子所宜有如東漢之黃憲徐穉不入黨錮之中其

矯然拔俗誠有足取彼顧廚俊及互相標榜適以
自害然猶出於小人之中傷也若伊川之與蘇軾
皆係正人乃至門戶分歧而憑附之徒遂至彼此
攻訐不已顯然操同室之戈亦獨何哉夫以道學
而流為黨援其弊至無所底止非清流之福更非
國家之福所繫於世俗人心者甚鉅而心傳道命
之說尤不衷於道因題是編並為之序而正之
天命於人之謂性道惟率性乃无過應知道也世

常守曰屬命焉理則那董子故稱不變爾尼山曾
是罕言他雖云藉此傳名永亦頗因茲致禍多兩
敗俱傷正何益出行處順或非訛黃徐不入鉤中
黨洛蜀還操室裏戈明道淵乎量無涖伊川清矣
挹斯波心傳李作錄意誠美取義失斟費廣羅
題至正條格書云弼教在明刑尚律何如尚六經
條格居然觀至正道齊未足示儀型每為左袒非
公允

條格所載大率偏袒蒙古者居多如試中漢
科加一等注授服色獨不在禁限甚至因公

經過去處令民間安設房舍應付粥飯則擾累實
多又蒙古毆打漢人不得還報及指立證見於所
在官司陳訴還者嚴行斷罪而蒙古人犯法不得
拷掠監收是徇私而縱其妄行大失人心此在偏
安一隅或可宜帝王宅中祇可偏安乖輯寧世祖
建極大公至正之道哉

有元開叛主孫謀貽厥失聰聽題蕭楚春秋辨

疑直運權臣

恭

還自怡著書胡

銓

趙

暘

奉為師宗

經頗具明卓見異註不為遷就詞非史信哉超衆
論亡詩作也辨羣疑一王天下無他義三變周公
豈逆知可惜代湮多散佚允宜重錄表扶持瞠乎

徒仰獲麟筆無暇方慚下董惟題宋仁宗洪範

政鑒天運五行人五事失修類應自分明致休豈

外常存敬弭咎由來在未萌蔡註旨哉去膠固其

陳晴由五行以及五事推而至於綱用五福威用
六極而皇極之建尤為一篇要旨蓋本天道以驗
之君身惟當修而用之為之地乎天成即其能敬
五事以建極其理乎正無奇所以為治天下之大
法自劉向作五行傳分配類應各舉其事以實之
後世宗其說專以之觀察機祥失洪範之本義矣
惟蔡氏集註謂休咎之應乃自然之理必曰某事
得則某休徵應某事失則某咎徵應斯亦膠固不
通而不足語造化之妙其論甚醇可以破羣疑而
訂經訓是編標曰政鑒雖不能離向歆窠臼然仁

宗以敬天修己之誠見之為惻
怛之心忠厚之政實可法耳

箕書備矣示平成

昭陵惕鑒政忠厚言行相符仁則誠 題孫覺春

秋經解六韻注疏春秋充棟夥高郵作解費研磨

學從安定居名第書出臨川罷制科

周麟之跋云初王荆公欲

釋春秋以行於天下而羊老之傳已出一見而有
基心自知不復能出其右遂詆聖經而廢之曰此
斷爛朝報也不列於學官不用於貢舉者積有年
其說雖未必盡然而書為當時所重亦可見矣

鑿傳鄙他相佩劍翼經嘉此匪操戈諸公列國事

悉具抑伯尊王義不訛發與依然準平正折衷要

是弗偏頗邵張珍弄今歸紀

此書於宋紹興間陽

版邱齊稿李張朋又因其移書以周麟之跋語附益卷末識而弄之今為翰林紀昀所藏僅有鈔本

耳汲古深心有足多

第二冊

題大金德運圖說

有

大金發祥於愛新水愛新者

國語金也故建國即以金為號乃因金色白遂欲從而尚之妄矣且五德之運說本無稽縱如所言亦取其或生或尅議者以宋為火德遼為水德大金當為金德夫宋雖南遷正統自宜歸之宋至元

而宋始亡。遷金。固未可當正統也。若夫商尚白。周尚赤。其見於經者。亦祇白牡。駢剛之類。各從其色。至如上衣下裳。元纁相稱。則三代同之。而德運之論。固未之前聞也。自漢儒始言五德迭王。遂推三皇五帝各有所尚。後更流為讖緯。抑又惑之甚矣。夫一代之興。皆由積德累仁。豈在五行之生剋。而服御所尚。自當以黃為正。餘非所宜。元明制度。尚黃。不侈陳五德之王。其義甚正。本朝因之。足破漢

魏以後之陋說因題是編並闡而正之 德運相

承雖有之繼天立極豈因斯六經未見明文紀兩

漢方傳家語辭不出五行生剋術那關萬姓順違

為即云正統當歸正亦曰基仁乃永基八帝瑞符

縱殊別一時色尚已參差說者謂五德之王各以相生為序而所尚之色

即從其所王之德如伏羲木德神農火德黃帝土德少皞金德顓頊水德帝嚳木德帝堯火德虞舜

土德皆以次遞嬗而色之所尚惟黃帝尚黃與德相合若義農少皞皆不言色顓頊尚赤帝堯尚白

用其所勝之色帝嚳尚黑用所由生虞舜尚赤用其所生則又理之所不可通者也宅中圖

大土應守表眾居尊黃實宜

土為中央正位黃為中央正色王者居尊

立極自當以黃為貴朝夕惕乾惟益勵休祥識緯

宜他色之所得尚哉底須奇勝朝未議國朝述足破千秋萬古疑題

陳經尚書詳解六韻帝王行事具心中

藥括經發題語

挈

要一言迴鮮同數

聲上

彼專通難僂指得茲詳解足

治平躬卷成五十能探奧書祕半千未發蒙

經南宋淳

熙間進士逮今

大典闕收誠惜漏休陽復購可稱

功五百餘年矣休陽汪森於康熙乙卯年泛舟濮川見人鬻舊籍於市盡數購歸中有抄白本乃尚書詳解也

緒檢合五十卷。遂錄而藏之。詳見汪森跋語。

新興教化為根本。

龍溪縣志。經為

新興令。改德清。專以教化為首務。

古壁精微與擴充詩義雲烟誰

過眼

森跋云。經著述。更有毛詩講義。是森所藏亦無此種。或竟散佚無存。或復有收輯之者。皆

未可知也。

珍斯片羽願研窮

題易被周易總義八韻。

長沙撰總義觀象玩辭符總貫諸家解義通十翼
扶人心即天地易理示規模多辨原成躁求精翻
涉麤彼非謂此是喜合率攻殊畧覽廿卷有頗嘉
各弊無發明尚平正流布未弘敷設曰不言好安

能槩置乎。

題鄒道元水經注六韻。

有

鄒道元水

經注自明至今惟朱謀瑋校本行世其文與杜佑通典樂史太平寰宇記所引經注往往不合又多意為改竄殊失本來面目近因哀集永樂大典散見之書其中水經注雖多割裂而按目稽核全文具存尚可彙輯與今本相校既有異同且載道元自序一篇亦世所未見蓋猶據宋人善本錄入茲經館臣排綴成編凡篇目混淆經注相錯者悉加

釐訂其脫簡有自數字至八九十字者亦並為補
正以數百年叢殘缺佚之書一旦復還舊觀若隱
有呵護者然亦藝林佳話也因題六韻紀之 檢

書斷簡萃金珍自序猶存善長真卻以殘山將剩

水竟如合浦與延津笑他割裂審無術

永樂大典
所載之書

類多散入各韻分晰破碎
殊無體例是書亦其一也

際此完成若有神南北

少訛因未到

足跡未曾一至塞外故水經注中所

載邊地諸水形勢未能盡合即如濡水之源流分
合及所經郡縣多有訛舛至江淮以南地屬齊梁

道元亦未親履其地。詳為考訂。祇據傳聞所及。纂謬沿疑。無怪其說之多。古今畧異。

究堪循悉心編纂誠宜獎觸目研摩信可親設以

春秋素臣例足稱中尉繼功人

第三冊

題傳寅禹貢說斷六韻指南向已題毛晃說斷茲

當屬傳寅前於永樂大典內集得毛晃禹貢指南一書曾為題識六韻茲復校輯傳寅禹

貢說斷四卷其於五服九州三江四海辨論甚精呂祖謙唐仲友皆亟稱之其書實可傳布也五

服九州辨貢賦三江四海析涯垠積年累月而窮

究繼晷焚膏亦苦辛代易時陳因失舊定訛補闕

為完新

朱彝尊經義考載宋傅寅禹貢詳解二卷通志堂九經解亦嘗刊入稱原缺四十餘

簡今永樂大典所載則題曰說斷並無詳解之名

且經解所稱缺簡具在並有多至數倍者又卷前

四圖經解誤入程大昌論中故亦從喬行簡原

序校定並為之正訛補闕粹然復為完書矣祇

台妄以知德先去聲紛彼矣辭注語頻更有諸家難

著筆流沙今越海西濱禹貢疆域限於九州其極遠者至流沙而止今自平

定準部回部以來幅員所拓西踰流沙萬餘里更在九州之外豈依經著說家所能罄乎題

魏了翁周易要義華父師敬子李燾其學傳紫陽

紫陽注周易獨稱卜筮方舉占意有謂恐人涉荒

唐

朱子作本義首列筮儀每卦明著象占使人知觀象玩辭而不涉於識緯

魏乃宗正

義刪繁取其臧釋文考陸氏兼引馬

融鄭康王

甫

簡以得其要約而頗致詳彝尊尚弗知

朱彝尊經義考未載

此希寶誠吉光開宗闢虛元孔門教用彰

其原序云傳易

者更相祖述惟魏世王肅嗣之注獨冠古今江左諸儒並傳其學其江南義疏十有餘家皆辭尚虛元乃義涉於釋氏三易明周稱蓋謂取岐京

叶乾

健具四德坤順惟隨倡弗牛而曰馬牝馬行无疆

此書解利牝馬之貞謂坤是陰道假借柔順之象以明柔順之德且謂不云牛而云馬者牛雖柔順

不能行
地无疆

然予更思之仍即一乾剛

坤之牝馬正承乾為馬而言蓋

馬乃純陽而在坤則為牝馬故乾直曰利貞而坤云利牝馬之貞則坤之四德一乾之四德仍是以

順為吉

乾坤分

去聲

既定餘卦推類明

叶

大端弗失正

十翼臣之良出處益卓然正色立朝綱豈徒託空

言用易誠有常四庫廣搜羅懋柱出珍藏鈔刻俾

歸之牖世文教昌卷首題五言用賁世守長題

太平御覽書六韻太平誰不喜求實匪求名必也

勵乾惕還當戒滿盈設徒資黼黻終致訓豐亨宋

帝懷懃德三書弭衆英搜羅雖已富考證未云精

四庫翻其目五言寫我情題劉一清錢塘遺事

失策明題去建康卻耽山水便都杭見一清首編序語湖

邊歌舞酣餘樂天外薇欽棄遠荒八帝歷年纔百

五帝思不足紀年自高宗至端宗享年一百五十二年舉成數也多奸少正致淪

亡翻書千古垂殷鑒漫例飛鴻徒號堂是書為汪啟淑飛鴻

堂所藏因假借用目送飛鴻事題許嵩建康實錄六朝三百有

餘年建業興衰廿卷傳文物風流信有矣經綸世

教或無焉。幸洪武始統歸一。逮永樂斯都以遷我。
每孝陵親奠醑。不禁吊古為悽然。題呂祖謙歷。
代制度詳說。中原文獻有家模。講學還從張與朱。
酌古準今列條目。鎔經鑄史示師謨。詎寧考據資。
談柄欲見施行洽。樞昔未殫薈。後知重吁嗟。此。
弊那能無。題兩漢博聞。遷創班承范繼哉。纂言。
功足補秦灰。博聞特舉兩書要。頗繆還兼百卷該。

史記一百三十

撰者或訛楊侃

及魯

黃魯曾考
昆公武諸書

志以兩漢博聞為楊侃撰其書採前後漢書中為
語為標目先載本文而備列諸家注釋於下不加
議論亦類書之體明嘉靖間長洲黃魯曾購得其
本刻而傳之今版久佚原本因有黃魯曾序該無
遂稱為黃魯曾注之卻讓馬司馬和裴駰史記注
司馬自索隱為主而張守節正義尤詳今三注並
行其餘若徐廣傅瓚諸家之說附見者不可勝數
而前漢書注惟戴顏師古後漢書注惟列章懷太
子賢其諸家注釋雖亦附錄不能如史記之三注
並行因披遺籍知來雨周厚堦家藏書處名來雨樓是時盼澤甚殷見樓名
亦為心動故
卷句及之

正值望霖雨庶來題曲消舊聞四

首留金弗紀金閨事曲消依然紀舊聞二帝播遷

雖自取禍緣新法變更紛
建隆端拱政堪徵紹

聖宣和百事興設使子孫守祖制何愁萬世不繩

承汴都掌故頗傳真說部非同耳食倫何事臨

安安半壁冰天雪窖忘去聲君親清濁渭涇本自

操戈同室若為平因翻汝琛獨藏本畧恨爾時

經與蘇題說文篆韻譜徐鉉說文兄鉉序依然

朱氏曝書藏卷前有朱彝尊印記制文遵古見誠

卓作隸趨今辨以詳許慎特嘉研六篆賈魴何事

變三倉成編割裂異大典

此書以韻相次音訓簡明便於檢閱實為小學

津梁。非若永樂大典之依韻排輯將各書割裂散見者比

因字區分述舊章惟

是微傳資訓誥信堪小學示津梁即看繡谷勤收

弄

繡谷乃吳玉璠家藏書處

意在尊聞實所藏

第四冊

題唐闕史知不足齋奚不足

鮑士恭家藏書處名知不足齋

渴於

書籍是賢乎長編大部都度間小說卮言亦入廚

闕史兩篇傳撫拾

是書分上下兩卷

晚唐遺蹟見規模彥

休自號參寥子參得寥天一也無

題書苑菁華

好惡為君宜慎哉。蒐書種種挈藏來，不能無彼。

好謂

忌。因有此。用識心存欲政推運筆諸家備傳法。臚

篇廿卷元鱗木。

是書為宋陳思撰。凡二十卷。採摭

凡法帖古刻。而以諸家詩文附之。而法者附之。臨池那盡帝王事。獨愛公

繼一語說。題郭知達集九家注杜詩平生結習

最於詩。老杜真堪作我師。書出曾鉅寶郭集本仍

寶慶及淳熙九家正注宜存耳。

是編為宋郭知達集九家注。乃王文

公。宋景文。豫章先生。王源叔。薛夢符。杜時可。鮑文虎。師民瞻。趙彥材。見於知達序。其言王文公即王

安石。宋景文即宋祁王源叔名洙杜時可名田師民瞻名尹趙彦材名次公薛夢符鮑文虎即其名豫章先生蓋黃庭堅也版刻於廣東詳見曾監序卷後署云寶慶乙酉廣東潘司錢版馬端臨文獻通考載此版餘氏支辭概去之適以遺編搜四庫亦稱為善本

乃斯古刻見漕司

此書舊藏武英殿僅為庫貯陳編無有知其為宋槧者茲以校

勘四庫全書向武英殿移取書籍始鑒及之而前此竟未列入天祿琳瑯宣書冊之遇合遲早亦有數希珍際遇殊驚晚尤物閨章因有時重以琳瑯

續天祿

天祿琳瑯早已成書此本當為噴入上等

幾見萬遍讀何辭

題影宋鈔家語天祿青藜信也非

太乙青藜之事出劉向別傳事

屬神性子
所不語

何於家語卻相違

孔安國撰次孔子家語果值里盡事起遂

間廢不行劉向以為時所未施之故不使名家安國孫衍為博士上書辨之

祖傳

孔安國

孫辨

行孔

名因正明影宋刊世已稀多漏鮮全斯乃

萃鉤元提要志焉希愀然敬對君為政一語興邦

凜勅幾

題影宋鈔新儀象法要梁代渾儀已制

之失傳蘇頌乃重為有經有緯述前驗具說具圖

期後垂亦曰用心究鉤股即看影槩悉毫釐大成

圓象精鑑泰

皇祖鴻貽萬世規璣衡雖昉自堯時其制法令昔
異同則不可深考後世儀象若洛下閼若張衡若
李淳風若一行皆有所作而賈逵蔡邕王蕃陸績
何承天輩議各不一自元時郭守敬造為渾儀後
人因之明代相沿不改若西洋法明中葉即入中
國頗有宗其說者而徐光啟李之藻推之尤至率
格於衆議不果行我

皇祖洞見西法之精審學焉而會通之益知其可垂

永久通

勅靈臺專行弗失既而

欽定數理精蘊儀象考成諸書實足為天下後世法
予雖未習其事然幼聞

皇祖閔論因得篤信而敬守之即如明以前之法每
日以百刻計而西法則以九十六刻計夫一時八
刻其理明簡易曉不待智者而知之聞本朝初曾
有訟西洋人私竊四刻者時刻乃一定之數竊將

安往不亦大可笑乎又如日出入之早晚節氣之
長短薄蝕之分數今每驗之輒不爽銖黍非其法
至精至密曷克臻此或云堯時璣衡之法西洋得
之其說當存而弗論第自

皇祖表章以來迄今百餘年行之無弊雖百世不易
可也此蘇頌所撰新儀象法要以其影抄宋刊且
為錢曾述古堂所藏之物因視為舊籍而題弄之
又豈見異思遷乎詳識詩後用示來許題宋版

六經圖八韻太古圖先書後出考書或不考圖非

陳

森

刊苗昌

序誠探要

六經圖為宋紹興中布衣楊甲所撰乾道初知撫州

陳森屬教授毛邦翰等編類補刻之為圖三百有九

物列文彰允造微典備

六千年燭照

自伏羲至今六千餘年舉成數

冊貽五百載芸翻

乾道

至今亦舉成數

玩時愒日凜儆戒惕夕乾朝守範圍傳授

都因著姓氏次銓還以正依韋六經敢曰能窺道

一己惟應勵勅幾敬奉

裡宗陳俎豆恪遵

家法服冠衣

嘗繪祭器兩簪冠服樂器儀器武備六門。繪國系說為皇朝禮器圖式並親製

序文。以衣冠乃一代昭度。朕則依我朝之舊而不
敢改。後世子孫當以朕志為志。不惑於流言。以綿
國祚於萬年。深切垂戒。三致意焉。帝王學與儒生異。罪我由他知。

我稀。題宋版范祖禹帝學。元祐成書。心力殫逮。

乎嘉定。又重刊。欣茲祖禹芸編。在不異九齡金鑑。
看務學求師著儀軌。修身莅政。示倪端。知之行矣。

吾猶慙。緇兒寧惟玩古觀。

第五冊

題宋版五百家注韓昌黎集。子厚還之。昔並傳論。

文可擬以詩詮韓如杜也柳如李此則聖而彼則

仙注五百家孰窺奧

名為五百家注其實姓名可考者僅一百四十八家餘二

百三十家逸其姓氏合計亦不能足數而所採用之注更不能遍及又柳宗元集亦有五百家注所載姓名更垂千萬代獨鉤元學焉有志知難到難

少於此耳

到猶然勵勉旃

五百家注昌黎集實宋槧之佳

者柳子厚集雖亦五百家注版式行款標題並同而紙色墨香遜韓集遠甚且正集廿一卷以下至末皆闕又改目錄終以彌縫之更非完善第柳集

注刊本。今鮮存者。亦覺片羽可珍。惟當居韓之次耳。附識題韓集詩之末。並書柳集卷端。題宋版朱子資治通鑑綱目。涑水創為開義例。紫陽述訂益精微。直傳一貫。天人學兼揭。千秋興廢機。敬勝治。今怠勝亂念。茲是耳釋。茲非三編。惟此遵綱紀。嘗命詞臣纂輯明史事。為通鑑綱目三編。體例一準朱子。朕親為裁定。序而行之。輯覽曾無越範圍。通鑑輯覽一書。亦近年所纂。上自唐虞。下迄明末。凡有關於政治得失者。鉅細咸載。其中書法。大旨亦仿朱子綱目之例。並摘要著論。鈐出新安留面目。弄增

天祿有光輝外王內聖斯誠備勿失服膺永勅幾

題宋版前漢書冠冕琳瑯天祿收因刊書目閱

從頭

內府舊藏宋槧前漢書為天祿琳瑯之冠茲因校勘四庫全書總目復聞及之更覺其精

匹妙罕

吳藏本自趙魏國楚得重歸王弼州久入上

方不知故

其書初為趙孟頫所藏入明則自陸顧兩家展轉流傳歸之王世貞趙與王皆

於卷前自畫其像王并有跋向雖題識簡端亦未及此次之經意也茲編四庫識其

由舊孟新竿多佳玉卻笑無能大白浮題乾道

臨安志南渡忘讐久論之最初與志始觀茲武林

掌故因堪考宋紙存刊乃更奇官署宮城寧復昔

吳山越水鎮如斯臨安四度親訪古當面失哉此

細披

臨安即今杭州府自辛未至乙酉凡四次南巡皆駐杭州數日均未得親此書雖尋訪古蹟無可考證今始見此宋槧初

本追憶舊游不啻觀面失之矣題宋牋春秋分

記分記原通記尊王義寓中

程公悅宋寧宗時人所撰春秋分記以史

記法取左傳事釐為年表世譜名諸又為歷書天文五行諸書又分記周天王內魯外諸侯以及次國小國四夷之事條分縷析事因左氏義本聖經皆首記天王以見天下之一乎周分記諸國以見列國之所以異詳見公悅自序其弟年經國為緯公許於乾祐三年刻梓以廣其傳

外抑內斯崇統萬乃惟一會殊則以同希珍傳宋

槩遣暇可研窮題職官分紀立政惟人義豈磨

股肱喜起勅幾歌古今制異難沿襲襄贊職同在

協和經史厯編無不備縹緗獨弄有堪多是書為宋孫逢

吉撰本楊侃職林而推廣之凡官職之古今異制

不相沿襲者俱分目編次不強為附合體例最稱

精審徵引史雙松書屋東臯隱此皆將曾營家藏

傳亦極詳博志即不必寓意於紀弗出對數又以何題宋版

職官之書因戲誌之通鑑紀事本末涑水編年著通鑑建安紀事別成

通鑑紀事本末涑水編年著通鑑建安紀事別成

書興亡本末為金鏡條理因依若輔車雖有增前

斯數典

前編為是書依司馬光通鑑為起其便

稱續後此開初

前編宋紀為明馮琦編元紀為本朝

谷應泰所編也

淳熙紙墨香天祿玩味孜孜日警予

題

明人影宋鈐清波襟志逸史犁然志紹熙久無傳

本此稱奇唐鉤晉蹟隔一間明影宋刊非兩歧

昔人

謂雙鉤下真蹟一筆如唐世道人心斯繫矣南遷

此書雖標志古今事蹟而於高宗南

北伐早早之

進臨安建都特詳於題宋中興聖政

草詩已何之
清波門外西湖水洗盡當年諛墓辭

再題宋版九家注杜詩兄氏之戈和氏弓續增

天祿吉光中浣花眉列新全帙金粟身存舊卷筒

世以藏經紙之末作經冊者為卷
尤物寧論顯與

晦達時亦有塞今通武英棄置今方出
是書度座

梁不知幾許年茲以校勘四庫全書始物色及之
且辨其為宋本即此不可以怡人材之或有

耶
絮矩人材默惕衷
題宋樂謝宣城集李杜

稱詩久樓洪綬版行
是書於宋紹興丁丑秋宣城
守樓昭敘於郡齋距謝眺已

六百五十餘年。又六十四年。為嘉定庚辰。郡守洪氏以舊版字畫漫漶。復刊之。芸香資望

古藻。績足怡情。詎祇摘辭麗。頗多契理。精欲啗劉

刺史。何據五言城。題影宋鈔周易輯聞。廣大無

不備。夫惟易道然。輯聞傳汴水。述學衍先天。觀彼

多合聖。切予斯體。乾影鈔猶識宋遠矣。緬韋編。第六

冊

題胡宿文恭集。久曾割裂得全。難四庫搜羅為。去

復完。

是書亦散見永樂大典中。經詞臣採輯復成完本者。如此立朝有本志。

可教遺帙聽彫殘既經呈覽斯予事自與發潛令

彼安通集原應俾鈔錄至文乃合命鑄刊教坊致

語寧忠告道院青詞實異端

胡宿文筆頗佳尤宜刊以傳世第集中兼

及道場青詞殊乖正道且代教坊致語及為內中侍御習詞則尤為瑣狎自當存其正者刊行全集

鈔存可耳去取之間繁旌瘁示茲大畧付儒官題敬

齋古今註

有

永樂大典聚書雖多而依韻雜排割

裂凌亂以有用之書散置無用誠可惜已茲命詞

臣重加校錄哀輯於零斷之餘率多善本古今註

其一也此書目見於元史者凡四十卷今所收雖
僅五之一而四庫臚編具有條理仍不失為完書
且辨晰疑義折衷釐正尤極精審洵散篇中之最
佳者至李治以銚名書惟取義於不外聽予則以
銚續塞聰有合於君臨之道因題什而序之 韻
分書割太無端不學從來致浩歎哀散排全資翰
苑連珠集腋得神完覃研喜見仁卿治字著典核應
同觀國王看方朔瓶言蘊古衍雖銚續塞耳而聽
於無聲張蘊古大

晉成
語

繹文永惕作君難

題九章算術

序有

是書雖

為晉劉徽注而其名則始見於唐書蓋自李淳風
注釋義遂大顯北宋時人罕習者漸以湮晦南宋
慶元中鮑澣得其本寫入祕閣世亦莫得而見明
初編列永樂大典然依韻分排閱者鮮能究其端
委則雖存猶亡也茲以校勘四庫全書詞臣於斷
簡零篇中裒輯得九篇悉符鮑澣之舊顧鮑本無
圖今諸臣按注意補為之雖未能必其盡合皆可

因注推演而知則亦未嘗或紊視澣所傳殆有過之無不及矣算法自

皇祖表章以來可謂大備是書至今始出或亦顯晦有時固有莫知其然而然者乎夫九章昉於周官六藝教於洙泗余雖未習其事要不得謂非學者所當肄業及之者也系詩題識如左 算術由來非所學不知難強以為知大成廣集欽

皇祖

儀象考成等書實足為萬世算學標準

皇祖諱明算法

欽定數理精蘊

六藝

曾論愧

仲尼分韻笑他割裂者補圖欣此稗完之時為顯
晦晦今顯是用搞毫作弁辭 題李若水忠愍集

主和誤國罪奚辭即使弗和禍亦隨

或謂若水初亦願主和議

卒能慷慨殉節足以自贖此以和議為非自屬正論第彼時宋勢日弱金勢日強求和固適以自趣其亡即不請和亦未必能禦敵而幸免於禍非有識者未易見及此耳 慷慨捐軀誠

可尚詩文成集合教垂浩然之氣塞天際不幸而生革命時全彼還中已義事非得已慘何為若

若水厲志不屈捐軀以成其忠克全臣節亦其生
辰之不幸然大金當革命之時自非若水之所得
而抗殺之以全其名亦即以申己之義其事本非
得己第解頤斷舌處之太慘金將尼瑪哈實不免
過當夫金宋在當時猶敵國也若明永樂篡逆於
不附己者橫加誅戮則皆其本朝臣子且洪武所
留貽者乃俱戕賊不顧其於天理漸滅殆盡甚且
投鐵鉉於錢剝景清之皮則殘忍慘毒尤非人類

所為向每為之不平茲論李若水事因併及之

題宋版韓昌黎文集載道惟文語不磨齊昌黎者
更伊何唐家制度傳垂露宋氏槧鉛存摩窠真是
起衰空八代弗慙濟溺息千波言宜長短因氣盛
玩味多年受益多題金版貞觀政要好名曾昔
議文皇三代下名好亦臧言不以人廢如是書原
同帝範之覆吳兢采輯質文備梁肅鉉行勸戒詳
幾度披芸欽古鑑寧徒玩紙墨精良

題明版東觀餘論未已闢王黃斥米

見黃伯思序語

從來

聚訟每紛如千年下議千年上幾事實當幾事虛

筆正明言在心正古書垂法示今書重摹淳化加

評訂也覺斯之未信予題影宋鈔吳仁傑離騷

草木疏疏傳草木異劉王特重離騷廿五章豈為

春園問桃李獨存古道弔沅湘辨精魚魯篇篇核

義寓興觀字字芳雖是羅田版忘矣步兵從可識

中郎

題劉宗周黃道周集

有序

比因彙輯四庫全

書各省博訪遺編以進。哀聚既廣，則甄別宜精。而明末諸人文集內多有論列邊防兵事，詆觸本朝者。館臣隨時檢出，請燬。理固宜然，亦不可不有所決擇。因於幾餘披覽，衡定之。夫為明臣而指斥我朝，所謂吠非其主，本無可罪。其或人品無繫，重輕言事，又剽竊無據，及已入本朝，苟活求生，又謬託為明遺民，如屈大均之流者，燬之誠不足惜。若黃道周之博物典彙、劉宗周之疏稿，則不可燬。蓋二

人當明政不綱權移奄宦獨能守正不阿多所彈劾至今想見其風節凜然而且心殷救敗凡有指陳悉中時弊假令當日能用其言覆亡未必如彼之速卒之致命遂志以身殉國允為一代完人若因字句干犯并其全書而棄之致使忠臣正士其言論不能並傳不朽余豈忍為之哉爰命廷臣就其應避之字畧為刪改書仍錄而存之使天下後世知余大公至正之心維持名教而不苛小節重

其人因及其書且為千古之君若臣垂戒示勸不
徒味其文藝而已既以宣諭並題詩各書其集端
搜羅四庫事磨研去取其間公道傳人各行忠
斯可錄言雖觸諱忍從捐寧同仲達吠堯日不愧
觀文報宋年平日仇顏急盡節如之二者實堪憐
題仇遠金淵集宋末元初鳴以詩早年仇白
已名馳卻看排次還面目仇遠在宋末即以詩名其格高雅往往頡頏古
人世所傳惟興觀集山村遺稿及近時飲人項夢
祖所輯山村遺集其金淵集則不可復觀茲於永

樂大典散篇中來輯各體編為六卷考遠贈士曉
上人卷借道行跋之推挹甚至蓋深傾倒於遠者
故其監修是書所載獨多似全部
道者無幾若有神物呵護者然
信有甲丁為護

持雄逸或堪蘇軾伯仲清真亦偶陸游項荒擬之

李杜誠猶遠則實淵源限代時題袁燮絜齋集

六韻學為君子儒體用亦相符性悟雖宗陸身名

未異朱史師事陸九淵得其格致具有原本又少
以名節自期立朝屢進諫言所至政績皆

有體用者具詳宋史本傳邊情言頗悉民務政

多殊集中劉子幾凡三十首其料敵論邊深得要
領而陳民務達治要亦切實可見施行向惟

散見永樂大典中。今為哀輯得廿四卷。雖未必能盡還原書之舊。亦可存十之六七。因命刊刻以廣傳流。大典昔割玉哀編。今合珠虛車祛藻繪實地有功夫。傳世固在此詩文餘事乎。題絮齋毛詩經筵講義。講義要當重切磋。絮齋不事頌辭。阿解經依註無為異。取古誠今有足多。雅頌諸篇惜已失。風南數首出重羅。黍離故國三致意。其奈孱王弗聽何。題墨法集要圖說。墨法集要一卷。明洪武間吳郡沈繼孫撰。自言初受法於三衢墨師。後又

從一僧得墨訣遂并錄成書縷析製法繪圖二十有一各為之說頗切於用其書向不傳昨檢永樂大典得此命儒臣錄入四庫全書原本諸圖間有參錯者重加釐正復命徐揚為設色長卷以佐幾餘清賞因成長律并識簡端 諭糜最古漢書銓魏晉逮唐代有馬磨墨磨人胥實盡供書供畫祇名傳繼孫斯得三衢法韋誕難求一帙編為說為圖臚次第孰先孰後遞尋沿因教設色成長卷便

以遣開佐翰筵設曰旅葵歲玩物較於他物此差

賢

第八冊

題舊五代史八韻上承唐室下開宋五代興衰紀

欲詳舊史原監薛居正

宋開寶中詔修五代史薛居正監修書成凡百五十卷其後歐陽修刊誤五代史記七十五卷載於

李穆李九齡同修宰相薛居正監修書成凡百五十卷其後歐陽修刊誤五代史記七十五卷載於

家修致後新書重撰吉歐陽泰和獨用滋侵佚

官為刊印薛史並行當時以薛史為舊史歐史為

既出遂與薛史並行當時以薛史為舊史歐史為

新史至金章宗泰和時始詔學官專用歐陽史於

是薛史遂微元明以永樂分收究未彰

宋傳本漸就湮沒

永樂分收究未彰

雖載其

齊

然劉裂清外已非四庫蒐羅今制創羣儒排纂故

居正等篇第之舊編償因校四庫全書詞臣等於永樂大典各韻所

應太平御覽通鑑考異五代會要契丹國志北夢瑣言諸書以補其缺並參考新舊唐書東都事畧

宋史遼史通鑑長編五代春秋九國志十國春秋及宋人說部文集并碑碣尚存者以資辨證

快悉符原書而殘線斷簡研磨細合璧連珠體裁

考板更加詳備良遂使已湮得再顯果然紹遠藉搜旁兩存例

聲可援劉昫書成呈覽館臣請倣劉昫舊唐書專注

之例列於廿三史刊布學官從之

事曾傳馬光顏為詳核其是非亦不詭於正司馬

光通鑑多
採用之

序以行之詩代序惕懷殷鑒念尤長

題元憲景文集並各書其卷首

有宋庠宋祁兄弟

同負盛名且同舉進士時以大小宋並稱乃其官
位一至宰輔一為尚書事業所就既殊情性亦奢
儉各異故其詩文沈博新警因各隨其性之所近
而為世所傳誦則同及戒其子不令刊類文集行
世亦同迨其後雖經合刊繼而仍歸散佚又同茲
復裒輯成集並以聚珍版印而流傳之又無弗同

其同不同之故庠與祁固無能知之余亦烏從而

知之然其散也由於自欲韜晦而其聚也幸有永

樂大典之僅存佚之於七百餘年以前宋天聖至

十餘年而完之於三百餘年以後明永樂至今三百五

又復歸於同余因合題一詩並冠於兩集簡首更

使之不同而同則向之所謂同不同者皆可勿深

論是之謂大同 二宋合刊曾紀玉宋嘉定間郡

議欲合刊二宋集以屬郡文學陳之強未就惜哉

而去其後太守陳希捐資刊成之見之強序

分集失傳詳學如有本終難晦行不負言久益彰
伯也孤風表雅操仲兮彊識富文章雖稱儉過及
奢過弗愧元方與季方收拾碎珍得全冊吟題七
字冠前行休嗤大典紛割裂愛禮幸茲存餽羊

題劉摯忠肅集六韻散編哀集還全璧世久湮淪

傳始今

劉摯文集四十卷。見於宋史藝文志。及馬
端臨經籍考。世久無傳本。今從永樂大典

各韻中哀集編綴。各體具備。共得文二百八十五
首。詩四百四十三首。以原書卷目相校。尚可存十
之六。必有鬼神為呵護。自然天地佑忠忱。未嘗釋
七云。

卷於經邃卻匪空言見理深出處一身守直亮是
非兩字辨僉壬明陳十害邪辭開分析二章正氣
森六百載餘惜惓篤裕陵見損獨何心題朱彝

尊經義考秦燔弗絕殆如繩未喪斯文聖語曾疑

信雖滋後人議述傳終賴漢儒承天經地緯道由

託一貫六同教以興蔡閣災劉校誠韙竹垞昭代

撰堪稱存亡若彼均詳注

彝尊號竹垞秀水人康熙己未以博學鴻詞授

檢討入直內廷博聞淹貫是書通考歷代諸儒說
經書目每書先列撰人姓氏書名卷數次列題注

曰存。曰闕。曰佚。曰未見。次列原書序跋諸儒論議及其人爵里。彝尊考正按語載於末。而附以逸經。藝緯。微經諸目。凡三百卷。自漢迄今說經諸書。存亡可考。文獻足徵。編輯之勤。考據之審。網羅之富。實有裨於經學。惟所注闕佚未見者。今四庫所錄。往往其書尚存。蓋冊府儲藏。外間難覩。不足為彝尊病。至卷首冠以我朝世祖御注孝經。聖祖日講解義。自屬體制應爾。若臣工著述。則當按時代先後。彝尊於編次時。亦未及詳訂。即如本朝成德所著之大易集義。粹言合訂。列於前。而未于元亨利貞說立於後。殊為舛錯。第以刊布成書。難以改刻。惟今於四庫全書提要內聲明。以正體例。至其義在尊經。不惟漢文獻於茲。率可徵遠。紹古之助。並將昭示來茲矣。

旁搜今古會焚膏繼晷歲年增考因晰理求其是

義在尊經靡不勝枕昨寧惟資汲鑒聞崇將以示

孫曾 題葉向高綸扉奏草三朝元老贊黃扉禮

貌猶存策畫違持正已憐成末弩鋤奸終是昧先

幾

向高為當時正人。頗負重望。及再入內閣。值逆

閹結黨弄權。時事日非。竟不能有所彈劾。惟事

委曲調停。乞休之疏六十餘上。終亦行危言遜時

得請。利方為圓。不能免責。時之備云。

冊 第九

無奈不佞而賢責有歸獨恨昏庸是天啟坐令宗

社式淪微

題易傳燈是書舊署徐總幹撰而不著名其子序

謂其父嘗師事呂祖謙唐仲友所學似尚有稟承
顧取釋氏傳燈語為經解標題謬盭甚矣其言君
子小人吉凶陰陽之義頗有闡發而所論河圖數
象牽附九宮則又乖於正道蓋其書純駁參半乃
指斥後學差誤得無責人則明而責己則昏歟以
其裒輯於散帙之中亦云希覲錄備四庫庶幾瑕
瑜不掩系詩簡端譏之正所以惜之也 徐氏隱
名故以何標題想亦自知過本來畫卦由古聖胡

乃傳燈擬梵陀學述東萊道未見習沿永叔語傷

訛明云後學多差誤

書中有後學差誤條目

可識其人差已

多題袁燮絜齋家塾書鈔議論持醇正興亡鑑

古今致危惟戒逸勝怠莫如欽惜未聯全璧幸仍

棟碎金流斯失法度先已獲予心

袁燮解書大為謨傲我無虞固

失法度節言人君豈能無安逸歡樂之時苟不至於過則亦不害其為法度流而忘返便是失法度云云余昔遊巡所至一覽即過不肯因此稍稽庶政是以尹繼善有馳驛遊山之語余詩中每見此意今觀燮解與前指道相脗合予昔未見是書其言實先得我心耳

題王元杰春

秋。謝義聽訟。吾猶人。無訟以為本。春秋經世書道。

德齊禮謹。尊王而賤霸。賴是以示準人心與天理。

藉斯以不泯。獄有評獄義。獄實刑之。引春秋豈其

然。求精失之遠。夢得葉已一誤。宋葉夢得嘗作春秋

意而專以評獄解經。已失春秋本旨。至元王元杰

復撰獄義。蓋未見夢得原本。而名與相複。其書編

輯。程朱緒言。復刪綴胡安國傳。分綴經文之下。而

於三家末別標己意。曰獄。其於朱子一無異詞。蓋

墨守前說。一字不敢更。元杰。王重儉允。後賢議前

賢。辯駁恣口吻。類此各標長充棟。奚能盡再題。

劉一清錢塘遺事遺事錢塘撰一清興亡政要紀

分明考蹤似仕又如隱

其人始末史傳無考書則紀而宋一代軍國大政賢

奸道選畧於高孝光寧而詳於理度以後有正史所不及者蓋似宋時曾任職官故能諳習掌故如此而卷端題識惜高宗不都建康而都於杭士大夫湖山歌舞視天下事於度外卒至納土資國云云則又似石隱者流置身局外為庶致歎為凡與人之議者考其蹤跡蓋在仕隱間云

作荆進據失兼失退據宋祗異更異元祗一清初

北兵北朝似為宋民矣其紀元師下江州下安慶則又改稱大元記宋城歸附則稱大兵入既安府一

一人之書而前後稱謂自湖山歌舞依然在鏡古相矛盾實為違悞無據云

孰非殷監呈

題增補武林舊事補因廷煥

朱原

周密舊事武林想像間正向金朝稱姪際那仍豪
興賞湖山 都人士女走如狂天子真稱孝壽皇
便是北方有歸櫬安能五國解淒涼 朝歌暮舞
勝都京水秀山明湊雅情繪出承平真氣象爾時
豈果是承平 題此木軒四書說雲間續學衆傳
諸經說方成又說書一剎不容有二佛此言果可
說書歟 按袁燾書說論者謂其較所作經說為

優其中固不無可節取。及孟子以予觀於夫子
章。謂孔子不特春秋之世不容有二。從是以後更
數千歲。六經四子書。苟未漸滅。亦不得生如孔子
其人。蓋猶一剎不容有二佛也。意在推崇孔子而
擬不於倫尊之固如是乎。且以釋氏語。闢入儒書。
尤乖說書之體。昔昌黎謂荀楊大醇而小疵。余謂
袁燾此書乃小醇而大疵耳。題顧憲成解論語
四勿克己為仁請問目告之四勿訓。猶親如何解。

作莊嚴法足識斯人學不醇

莊嚴二字出梵經

憲成乃以為顏子莊嚴四體是何言耶更云顏子一身如水晶宮瑩徹玲瓏不復可以形色求則全拾禪僧涕唾以注聖人之語矣夫不可形色求佛之所謂空空亦空耳聖門之學正教人以身體力行求之形色非禮四勿即克己為仁之注豈有二哉是解也足見憲成之學雜儒墨所謂非聖無法其東林倡說流而為門戶掉而為禍患不亦宜

乎余故詩以闢之

第十冊

題影宋鈔班馬字類采摭欣傳樵李婁居然影宋
似雕鏤荀袁原未範圍出班馬藉因與突求喜此
朝絃而暮誦嘉伊遠紹更旁搜披翻快處緣惡旨
笑異東坡大白浮題嚴羽滄浪集言志曾聞舜
典宣爾時誰識所為禪假禪宗以定詩品混儒釋
兼秦後先按嚴羽滄浪集詩辨以為禪道在妙
悟詩道亦在妙悟且婁舉正法眼小乘禪臨濟曹

洞之類以定詩品不惟引釋教以證儒宗已為冠
履倒置比擬弗倫豈知佛生於周昭王時至漢明
帝時始入中國其教亦惟演經守律而已至達摩
於蕭梁時至中國始倡禪宗頓悟之法是虞廷所
為詩言志者乃數典之最祖彼時之詩亦可以禪
宗概之乎夫詩有別裁偶涉禪趣固無不可若宋
之蘇軾及我朝之張照每有吟咏托禪意者十之
七八已失詩之本旨若嚴羽此集津津以禪門乘

果定詩之品格其所謂不涉理路不落言筌者羽
早自犯涉理路而落言筌即禪家所謂擔板漢未
必非此人也詩以闢之用示後之學詩者 題郝
經續後漢書身充信使被拘留兩國恰逢奸計投

元太祖既立欲與宋修好王文統素忌郝經有重
名請遣經乃以經充國信使至宋告即位且徵前
日請和之議文統復陰屬李璫潛師侵宋欲假手
害經經至宿州遣副使請入國日期不報遣書三
省樞密使及兩淮制置使亦不報先是貴似道為
元兵困於鄂州懼而請和且請稱臣納幣元人許
之鄂國始解似道匿其事以大捷聞及還朝使其
客廖瑩中等撰福華編頌鄂功通國皆不知所謂

和也。恐經至泄其謀，因拘經於真州之忠勇軍營。經上表請入見，又數上書極陳和戰利害，皆不報。遂留真州十六年。因著此書。願附魯連未遂志。空言思託著書。

酬 陳壽寧稱史筆人續之尊漢見誠醇。陳壽三國志帝

魏寇蜀論者非之。然司馬先作通鑑，尚不能訂其誤。至朱子作綱目，始為改定。經所著續後漢書，獨以蜀漢紹炎劉正統，其識甚正。彼蓋已見朱子之書也。獨嫌董卓仍列傳，即

未叛臣亦亂臣。經此書於叛臣篡臣，皆各為分類。而董卓則仍置尋常列傳中。夫東

漢之禍，實由董卓其篡逆之謀久萌，特未及逞耳。縱不列為篡臣，獨不當另列為亂臣乎？褒

貶從來不可誣。要公千載賞和誅篡臣，仲達祇篡

魏篡漢寧非孟德乎

經列司馬懿為篡臣而轉不及曹操夫懿乃魏之篡臣若

曹操實篡漢之賊懿然而舍操春秋之義有未當矣

福華編撰鄂功陳竊

絆真州十六春未免南方君子笑笑他不叛北方

人 帛詩或者假前題

元史經本傳載汴中民射雁金明池得繫帛書詩云

霜落風高恣所如。歸期回首是春初。上林天子援弓繳。窮海蠻臣有帛書。中統十五年九月一日放。應。獲者勿殺。國信大使郝經。書於真州忠勇軍營新館。蓋經以久留音問不通。不知中統之為至元也。云云。此蓋好事者因蘇武事假為之。然經久羈宋地。仗節不屈。僅以著書自遣。視蘇武之在匈奴。娶婦生子。不可同日語。與藉雁書方表其忠乎。

學術忠誠孰可齊設使子

卿逢地下著書差勝娶胡妻 題何楷詩經世本

古義明何楷閩人著詩經世本古義凡二十八卷
依時代為次名曰世本古義以公劉七月大田甫
田諸篇為首而殷以曹風下泉計三代有詩之世
始夏少康終周敬王凡二十八王因配以二十八
宿各為序目雖其書於名物訓詁考證詳明而鈎
棘字句牽合史傳強附名姓時代以舒窈窕兮指
為夏徵舒碩鼠指為魏壽餘又以草蟲為南陔菁

我為由儀緡蠻為崇邱穿鑿附會不可枚舉且以
孔子刪定之三百篇敢於任意顛倒不師古訓妄
興異議實索隱行怪之徒不可為訓徒供考證正
宜束之高閣耳 弗遵孔子所刪詩敘世傳經自
出奇割裂雅風畏忘彼差排星宿巧符其指而失
則何之謂撰以成乖杜豈辭可惜用功無用地東
諸高閣合於斯 題宋版周髀算經。

皇祖精明勾股絃惜吾未習值髫年

余逮侍
祖時年甫十二

皇

歲。設至十六七歲時。想亦蒙

指示算法矣。踐

昨後。即以是為要。命皇子輩隨莊親王學之。故有

通其術者。而朕以因循未學此。每以為愧。授時以是為要矣。考古亦常

有舛焉。設匪敬誠存曰。旦可能容易事。占天而今

老固難為學。自畫追思。每愧旗

第十冊

題宋版周易程傳。卜筮書。違秦火殃。大程平正傳

言常

言易者率入於奇。朱子矯之。以為特言卜筮。故每又必言占者得之。亦未免過正。蓋易理

無不包。實不奇。子以程傳為得之。

周張朱介三賢卓凶悔吝中一

吉當開物無為自成。務抑陰有道在扶陽幽明通

以性命順

集括程傳序語

內聖由來貫外王

題宋版朱

文公校昌黎集校集都因考異詮

宋版朱文公所校韓文考異序

云此集本多不同惟近歲南安軍所刊方氏本此

為精善別有舉正十卷其論去取多以祥符杭本

嘉祐蜀本及李謝所據館閣本為定而尤尊館閣本門人李漢更詳編官書

率就私書獻杭本應為蜀本先

二語集括序語

無礙兼存

期自擇允為獨出更誰肩一篇原道接孔孟見道

因文啟宋傳

謂周程張朱五子

題宋版郭忠恕佩觿衛

風第廿一章句名寓佩觿解結求小學從來大學

本今文應溯古文由肆言那戀錢五萬容面偏欣
土一抔蟬蛻分明地仙列斯人奚翅畫家流題

宋版聶崇義三禮圖尚忠尚質尚乎文三代因之
政以分何必衣冠定相襲要知和敬有尊聞觀圖
可識闢畦意撫冊猶欣舊繭芬汲黯謹言對漢武
懷哉那復更云云日下舊聞考題辭二首

第一章書

緣起第二章書自微

重芳彝尊書以成七言權當序而行名

因日下荀鳴鶴蹟逮春明孫北平

朱彝尊所編日下舊聞摭拾載

藉。及金石遺文。分為十三門。四十二卷。頗為繁核。
與北平陸承澤所著春明夢餘錄七十卷。均有裨
於帝都考證。但其書不免呈漏。清記因命館臣
重加訂正。其春明夢餘錄內所載亦間採擇。星

漏豈無補所闕。清記時有校從精。百年熙皞繁文

物。朱彝尊書成於康熙二十七年。今又及百年。太

增為十五門。成書一百六。似勝三都及兩京。曾

十卷。名曰日下舊聞考。

賦皇都與帝都。癸酉年。曾賦皇都帝都詩兩篇。帝

之據形勝。皇都詩言今燕。若茲形勝古今無金遷

京體大物博。戶口繁滋。

元復其久矣。自金天德中。遷都燕城。號中都。元至

元中。改名大都。明自金陵遷於北京。

我朝因之。然其城郭宮殿。凡
數遷移。率非金元之舊矣。明築清修。滋盛乎御

苑。法宮誠富此。返淳還樸。益殷吾論。成知過淵衷。

寫

余臨御四十餘年。凡京師

壇廟宮殿城郭

河渠苑囿衙署。莫不修整。皆物給價。工給值。然

究以頻興工作。引為已過。辛

丑歲。曾著知過論以自戒。

題鄭剛中北山集公論千秋不可誣。進因秦檜是
邪途。左遷究以權奸迂。七疏曾於正史無。弗核始
終。將避彼難逃。衡鑒用吟吾。雖云幹蠱由其子。作
偽心勞實拙乎。按鄭剛中。金華人。紹興中進士。

官至禮部侍郎出為川陝宣撫副使史稱剛中由秦檜以進故於和議不敢有違及使陝西秦和尚原與金後又以宣撫專擅忤檜竄謫以死是其人依附權奸梯榮倖進本無足取今四庫全書所錄剛中北山集有諫和議四疏及議和不屈一疏又救曾開胡銓二疏既與正史不合又徐夢莘三朝北盟會編蒐括章奏事實無遺而不及此七疏蓋剛中集乃其子良嗣所編恥其父附秦檜因偽撰

諫和議等疏以蓋前愆此雖良嗣之幹蠱乎而千
狄公論邪正難誣所謂雖有孝子慈孫百世不能
改也館臣以剛中詩文尚可觀錄入全書披覽時
因為題什以懲作偽云 題宋版千家注杜工部
詩史昌黎祇許仲尼師吾亦云然於杜詩注萃千
家謂多彼品高萬古孰同其一生惟是忠孝耳小
德何妨出入之秋興八章重背讀又同此老坐移
時 題增廣註釋音辨唐柳宗元集文章韓柳稱

伯仲。邪正立身冬夏然。黨人叔文真是謬。州憐禹

錫或猶賢。政傳柳郡差可耳。廟祀羅池實幸焉。終

是昌黎敦厚道。惜其末路鮮周旋。

柳宗元劉禹錫皆以王叔文黨

外貶宗元欲請以柳易播禹錫得改刺連州又宗

元在柳州頗有政績州人祀於羅池廟韓愈作誌

以為不自愛惜禹錫既以失身獲譴後因裴度之

薦遂朝錄用誌稱宗元不得有力者推挽益惜無

為之周旋題宋版尚書詳解五十八篇始至終

吹噓者耳

歷為詳解折於中道心毋使人心雜聖法由來王

法通士行

去聲

胡編誠足偉九峯蔡傳實相同設如

切已舉其要二典三謨用不窮

子臣

敬書
鈴

寶二子臣

敬書

鑑藏寶璽寶笈三編石渠寶笈所藏

御書

高宗純皇帝御製詩 一冊

〔本幅〕紙本摺裝四幅皆縱六寸五分橫六寸

五分

御筆楷書

御製詩

養士期真士在蓮惟說蓮埴埏由茂叔光霽溯伊
川是地開書院明時育國賢盛名難副耳樂處可

思焉必有中通質寧誇貌飾妍亭亭常淨植濯濯
自澄鮮澡浴芳型近含咀雅化宣水華時尚早寄
意賦新篇

御製賦得濂溪樂處

得鮮字

尚賢天所祐濟世業方崇無取玉藏櫝有如虎嘯
風闢明仰虞帝吐握式周公相得惟神契弗殫傾
耳聰養期家食不交必出門同吉也拔其彙亨哉
畜以通士恒資顯德君亦待宏功易理誰詮釋子

淵頌語中

御製賦得賢不家食

得同字

瑜瑾雖希有。瑕玼亦偶呈。取長毋盡棄。捨短要歸貞。輝憶石初韞。察休水至清。德音思對菲。善誘貴權衡。苟得精磨致。終看寶器成。隱之畧一玷。揚矣獲連城。鮑識管家仲。魏論陳氏平。溫舒述傳語。切已厯予情。

御製賦得瑾瑜匿瑕

得清字

江國虞頻致今番喜恰逢
暄晴宜一豫膏雨利三
農輕重權之久盱宵屋以重氣蒸
十折水雲接兩
高峯震震初猶細
霈霂繼遂濃
菜花黃沃濯柳葉
綠
攀鬆周雅曾方惠
韓詩善寫容
巡方歌玉燭撫
已慎金鎔

御製賦得春雨如膏

得逢字

子臣

敬書鈐寶

二子臣

敬書

鑒藏寶璽寶笈三編
石渠寶笈所藏

御書

高宗純皇帝御製詩 一冊

本幅紙本摺裝八幅皆縱六寸六分橫七寸一分

御筆楷書

鬱鬱青松列四株庭前虬蓋翠陰扶秋臨復此乘涼好月上何曾對影孤過去片時即萬古未來百歲待斯須崇山設以商顏擬不入留侯計裏趨

御製題翠雲堂詩

去年西峪此探尋山趣悠然稱

我心構舍取幽不取廣開牕宜畫復宜吟諸峯秀
起標高朗一室包涵悅靜深莫訝題詩緣創得崇
情蓄久發從今

御製題秀起堂詩

月在天中水在湖不離不即那

同殊謝他恒印千而一到此堪知有若無且喜小
年風自爽漫言清夜景常孤亦思駐久應偷暇試
證分明或可乎

御製水月精舍詩

山莊無處不招涼此處招涼最

異常已謝葛衣坐來換便拚紈扇篋中藏階臨淥
水祛塵遠簷拂蒼松引籟長何必對時稱畏日可
知多稼正宜暘

御製招涼榭詩

三間齋閣兩間樓曲榭相通景各

投拾級不嫌高可到開牕恰喜綠方稠雲來氣韻
增生動風過音聲解盪流淡抹濃粧渾欲滴遇欣
所以異清秋

御製枕碧樓詩

山氣含清又展舒評量真是夏宜

居琴書靜好畫方永衣帶涼生風入虛滿地綵雲
滋秀草一湖香錦放新萼年年題句多粘壁景會
惟殊各起予

御製清舒山館詩

洲嶼中間復有池構軒其上臨

階基坐而玩之淡神氣憑以鑒者數鬚眉曰清曰
濁惟自取不盈不竭夫何為塞上風月伊千古檻
前俯仰欣一時

御製滄浪嶼詩

秋則常來夏偶居冬曾駐為宴員

渠惟餘春未六騶到默識元為四德初樹張葉皆
由英始花彈苞揔覺韶如義經註出真消息不用
韋編更展書

御製春好軒題句詩

子臣

敬書鈴寶二子臣

敬書

鑒藏寶璽寶笈三編石渠寶笈所藏

